

www.BibleForChildren.org

Tatanigaina 3



Adamu neke va kudo ghini lvi ia
ghaseborona, vununa manei neke
age faadira ira leghu noni
ta “doli” nga.




Ka ira vahina tagukava neke to va
vuhariro nga lahova ia God mu, ia
adogho mo neke toraina avoavoho
fuluduna ka rivai sekesekei ka maneri
haroharo.



Kaike ravata manei neke kahe
ghua iahi ka ia fotati, “?Heve, God
neke toraina kahe ghini ghau va gigima
taka mahai fuadira ghu ira leghu
heke nga ka gilionana nunumana?”



“Ghai a boka mahai
fuadi mo ka ira heke
ka giliona nunumana,
nga ira fuana ia heke ta
tetu ka hoatana ia nunuma mo neke va
kahe ghini ghaina God taka mahainina
ghu, ba posinina ghu ghai. Nato posini la
ghai, a leme ghatu,
neke ghua.”



Ghe ia adogho
neke kahe ghua iahi
ka ia fotati, “Deo, ghau
e deo go age leme ghu.

Vununa God ne avohi ta age tobehena
hibamu nira noto mahaini la ghau, nia o
age taghe God o ghua avohina ia
veha nia muko.”



Ne finini ghu ia fotati ta vehana ka
mala mahai ia fuana heke nia ta fifini
vevehanana e ghua, manei neke
kuhana ghini ta mala vanani
avoavohona neke hiori ghu keha
fuanara neke mahairi
ghu.



Manei neke vanani molamo keranau
neke au taremehanao keha fuanara
neke mahai ghu manei. Mahaini di
ghua ghu maneri palu ia fuana heke,
toke tobehe ma ira hibadi to avohi ghu
dike sosole, ta ghuana.

Pama varighara
kaladi figi tuna gedi
titivi ghu dike ghua.





Ghe Iahova

ia God neke kudo lao ka ia mane,

“?Hae mu agho?” “Ara nake nomohigho ghaghahena
agho ka nunumana nake maughegu ghu, vununa ara
nake sosole, nake poika ghu,” neke ghua ungene
tughuna ia mane.





“?Hei neke kahe
ghinighona no sosole agho neke
ghuana?” neke ghua notohona lahova ia God. “?Heve,
agho noke mahaini ia fuana heke nake kahe ghinigho
va gigimano ara taka mahainina ghu?”



Ia mane neke kahe ghua iahi, “Ia fotati noke nakai taremehaguo agho aiahi neke vanaguna keha fuanara ia heke, nake mahaini ghua ara.” Kahe ghua tuna iahi ka ia fotati neke ghua God lahova, “?Neke heve ghe noke riva ghini nga agho leghutau ta muko iahi?” “Ia adogho neke seboauna, nake mahaini ghua ara,”
neke ghua ia fotati.





Va kaveri tuna ka ia nunumana Ideni
neke ghua lahova ia God neke va
rivari ghu ka ia kava
dike vuha mehao.



Leghuna gigi kaveri manei, manei neke
nakairi ka visi fateona mo ia nunuma,
ira engizeli nia kaike leboto sisilufu
mala magara ta helupu pelara
leghu kenu, mala kopu ghinina
ia hangana ta
ghahe lao ka
la hekena doli.



Ianimu tuna ghe neke epu taremehana nga Adamu ia ghaseborona neke pote ghu manei va dolinina Keni. Ia fotati neke kahe ghua iahi, “Ka ia nona toka lahova nato kuruau ghu kaike tuugumane ara.”



Leghunana manei neke va urahini kaike tuunamane,
Ebolo neke ghua ghini ghu babaolonana. Ebolo mu
neke kaike mane ta kopui sipisipi, nga Keni mu neke
kaike mane ponogara.



Kaike fafata Keni neke hio lao togoroi ghano ka lahova ka ira haharui manei. Ianimu tuna ghe neke hio laori nga Ebolo ka lahova kehara ka ira vilahidi ira rekahadi sipisipi ta busi veveha dike kusu doliro taghe mala togoro.



Iahova neke puina vaha vanani ka Ebolo neke hio tana
ghu ia nona togoro, nga manei neke sokei Keni nia ia
togoro ka manei. Keni neke toraina
hali fuludu neke muko ghu ira hihilina.



Kaike fafata Keni neke kahe ghua iahi ka Ebolo ia tahinamane, “Aria da kave age ghu ka ira galahedi kava sare.” Ka ia la dufu ta la au ghu ka galahedi kava nunuma ari, Keni neke fihiki magarina Ebolo ia tahinamane neke atungi ghu.



Ianimu tuna ghe neke kahe ghua nga iahi lahova, “Hae mu ia tahiumane Ebolo?” “E deo ga avohi ghu,” neke ghua ungene tughuna manei. “?Ara mu ta mala kopu ghinina tahigumane ani?” Keni neke kave kaini ghu ka ia ta au lahova neke la au ghu ka ia malau ta va kudo ghini Nodi, visi fateona mo Ideni.



Adamu neke epu taremehanani ia ghaseborona, neke va urahi ghu manei kaike tuudi maneni. Neke kahe ghua ghu iahi manei, “God neto ke vanagu kaike tuugumane mala holarina Ebolo neke atungio Keni.” Seti neke ghua ghini ghu manei baolina.



Leghuna Seti mu, Adamu neke au laoni keha 800 komuhu. Manei neke kurui haro keha tuunamanera nia tuuna ghasera, nia leme tuna ka ia age 930 komuhuna, neke ghua.



Iahova neke finini ia muko ka noni ka malau
iahi peka neke toraina faa fuludu, nia
vahina leghutau dike vato ghidi nga
nia nganari nga maneri mu dike
mukodi ma
leleghu fafata.



Neke kahe ghua ghu iahi lahova, “Ara a age takusu kairi noni nake va vuhari irahi ka malau iahi peka—I ra noni nia tagukava, ira va vuha ta tagu ka ia kava nia ira memeha ka kolangana, e ghua—vununa ara na muko hihingo



ghini nato ke va vuharira maneri.”



Ghe lahova neke veva vanani mo ka Noa. Noa
neke kurui lito tuunamane: Semu, Hamu nia
Zafeti, e ghua.



Vununa God neke puina namaha ghidi
fuludu ira noni ka malau iahi peka, neke
tuhu hinae mehai ghu ia Tuuna kaikena,
mala heiri haroharo ta va hohoghona
ka manei e deo ghu boka age
lemedira, nga edi age hioi
ia doli ta au
toghunai.



Romu 3:23

Vununa ira leghu noni nga dito ke sasake, di hau ghu
ka ia puhina God ia ta pelara varanga,

Romu 6:23

Vununa ia tabarana sasake mu leme, nga ia kaikadolo ka
God mu, doli soduai ka Zisas Kraes ia noda Lod.

Hiburu 9:27

Taghe ta ghua lama ghita noni ta mala leme kaike
fafata mo, nia leghuna ianimu ge age fate
ghita ghu God ia ta ghua.



Efesasi 2:8,9

God neke hio va doli ghau ka ia nona varisute ta vanamu kakato manei, ka ia fafata va hohoghonamu ghau ka Kraes. Vununa neke ghidi keha leghutau noke riva ghidi ghau ghe neke hio va doli ghau nga God eka ghua ghu. Iahi mu kaike kaikadolo sipa mehana ka God. Ia hio va doli mu eka tabaradi ghu ira leghutau ta veva dake riva ghidi va hokotoro ghita, e deo ghu go boka mala hadu varanga ghini ghu ghau.

Romu 10:9,10

Ianimu ghu mu, noto kahe kavei ia agho ka paeteunia, “Zisas mu Lod” ta ghuana, nia va hohoghonai tuna ka ia hihingou neke va tetuleghuina God ka ia leme ta ghuana, God e age hio va doligho ghatu. Vununa ghita da va hohoghona, ne nai va lotoro ghita ghu God ka ia nahalina taghonai, nia vununa ghita da kahe kavei ia noda va hohoghona, ne hio va doli ghita ghu God.



Zone 3:16,17

Vununa God neke puina namaha ghidi fuludu ira noni ka malau iahi peka, neke tuhu hinae mehai ghu ia Tuuna kaikena, mala heiri haroharo ta va hohoghona ka manei e deo ghu boka age lemedira, nga edi age hioi ia doli ta au toghunai. Vununa God e deo geke tuhu hinae mehai ghu ia Tuuna ka malau iahi peka mala faterira ira noni, nga mala meha hio va doliri maneri, neke ghua.

1 Zone 5:11-13

Iahi ghu mu neto ke turi ghini kavena God: God neto ke vanada ia doli soduai, e meha ghu ka ia Tuuna manei mu doli iahi. Hei ia ta au parekete lao ka ia Tuuna mu, e kurui doli iahi; nga hei ia ta deo ge parekete lao ghu ka ia Tuuna God mu, e deo ge aui ghu doli soduai iahi. Ara mu na kangava agei iahi ka ghau ira ta va hohoghona ka ia babaolona ia Tuuna God, o mala avohi ghu ghau ta kuru ghauna doli soduai.



Tatanigaina 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Zabana Bible (kji) © 2022, Islands Bible Ministries.
All rights reserved.

<https://www.bible.com/bible/3629/GEN.1.KJI>

©2026 Bible for Children, Inc.

www.M1914.org

www.bibleforchildren.org

